

Wabunge waridhishwa uwekezaji kiwandani

Na Mwandishi Wetu

KAMATI ya Kudumu ya Bunge ya Katiba na Sheria imewataka wawekezaji na wafanyakazi wa kiwanda cha kimataifa cha bidhaa za ngozi Kilimanjaro (KIJCL) kufanya kazi kwa juhudi, weledi na maarifa ili makusudio ya kuanzishwa kwa kiwanda yafikiwe.

Hayo yalisemwa mwishoni mwa wiki na Kaimu Mwenyekiti wa kamati hiyo, Najma Murtaza Giga wakati wa ziara ya kamati katika kiwanda hicho, kilichopo mjini Moshi mkoani Kilimanjaro.

"Kamati itaendelea kusimamia na kushauri ili kiwanda kiwe endelevu kwa maslahi ya wananchi

kwa ujumla," alisisitiza Giga.

Giga aliwataka watumishi wa kiwanda kuwa wabunifu na waaminifu katika kulinda mlundombinu ya kiwanda ambacho ni mali ya Watanzania wote.

Wajumbe walipongeza mipango ya kiwanda hicho na kushauri kilenge kuwa na viwango vya kimataifa ambapo pia walipongeza kutoa ajira kwa Watanzania wengi wakiwamo vijana na wanawake, huku kamati ikishauri elimu zaidi itolewe juu ya bidhaa za kiwanda hicho na maduka yasambae nchi nzima.

Mjumbe wa kamati hiyo na Mbunge wa Chonge, Salum Saffi, alishauri kiwanda hicho kujipanga

kuwa na wataalam wazawa na kuachana na tabia ya kutegemea wageni katika uendeshaji wake.

Naye Omary Omary alisema: "Kwa upande wangu nimeshaanza kutumia bidhaa za kiwanda hiki, naomba kiwanda kilenge kuzalisha bidhaa bora za viwango ili kupata soko la uhakika, hasa kwa soko la Zanzibar."

Mbuge wa Moshi Mjini, Priscus Tarimo, alisema: "Wana Moshi wapo tayari kulinda kiwanda hicho. Pia nashauri ili tuweze kupata soko la uhakika la bidhaa za kiwanda hiki, tuhakikishe bidhaa zilizo chini ya viwango haziruhusiwi kuigizwa nchini."

Naibu Waziri Ofisi ya Waziri

Mkuu (Kazi, Vijana na Ajira), Patrobas Katambi, alishukuru kamati hiyo kwa kutembelea kiwanda na kusema hoja zote zimepokelewa na zitafanyiwa kazi vyema.

Naye Mwenyekiti wa Bodi ya Kiwanda hicho, CPA, Hosea, alisema wataalamu kutoka nje waliopo kiwanda wanatoa elimu kwa watumishi Watanzania kwa kila hatua ili waweze kuendesha vilivyo kiwanda wakati wote.

"Wataalamu waliopo kiwanda wanafunga mashine mbalimbali, tumekubaliana watumishi wa Kitanzania wahusike katika kila hatua ili waweze kupata ujuzi na hatimaye kiwanda tukiendeshe wenyewe" alisema Mwenyekiti

huyo ambaye pia ni Mkurugenzi Mkuu wa Mfuko wa Hifadhi ya Jamii kwa Watumishi wa Umma (PSSSF). Nae Mkurugenzi Mtendaji wa Kiwanda, Mhandisi Masud Omari, alisema kiwanda kimeanza uzalishaji wa bidhaa mbalimbali za ngozi kama: viatu vya kike na kiume, viatu vya shule na viatu vya majeshi yote nchini.

"Tumeaza uzalishaji, hivyo tunatoa wito kwa Watanzania wote kuvaa viatu vya kiwanda chetu, kwani ni bora na imara na vina-patikana kwa bei nafuu" alisisitiza Mhandisi Omari.

Kiwanda cha bidhaa za ngozi kinamilikiwa kwa ubia kati ya Jeshi la Magereza na PSSSF.

JAMHURI YA MUUNGANO WA TANZANIA
WIZARA YA MIFUGO NA UVUVI



**TAARIFA KWA UMMA KUHUSU UTEUZI WA BODI YA USHAURI
YA TAASISI YA UTAFTI WA UVUVI TANZANIA (TAFIRI)**

Kufuatia uteuzi wa Bw. Yahaya Ibrahim Mgawe kuwa Mwenyekiti wa Bodi ya Ushauri ya Taasisi ya Utafiti wa Uvuvi Tanzania (TAFIRI) Mheshimiwa Mashimba Mashauri Ndaki (Mb), Waziri wa Mifugo na Uvuvi kwa Mamlaka aliyonayo chini ya Kifungu Na. 8 (3), Jedwali la Pili 1(1) (b) la Sheria ya The Tanzania Fisheries Research Institute Act No. 11 of 2016 amewateua wafuatao kuwa Wajumbe wa Bodi ya Ushauri ya Taasisi ya Utafiti wa Uvuvi Tanzania (TAFIRI).

1. Dkt. Hamisi Lucian Nikuli;
2. Bi. Justina Tumaini Mashimba;
3. Pro. Marcellina Mvula Chijoriga;
4. Dkt. Mectridis Fratern Mdaku;
5. Dkt. Bugwesa Zablon Katale;
6. Dkt. Lucas Albani Katera;
7. Bi. Vivian Kazi Matenge, na
8. Bw. Winfred Venant Haule.

Uteuzi huu ni wa miaka mitatu kuanzia tarehe 26 Oktoba, 2021 hadi tarehe 25 Oktoba 2024. Katibu Mkuu na Menejimenti ya Wizara ya Mifugo na Uvuvi – Sekta ya Uvuvi inawapongeza Mwenyekiti na Wajumbe kwa Uteuzi huu.

Dkt. Rashid Tamatamah
KATIBU MKUU – UVUVI

JAMHURI YA MUUNGANO WA TANZANIA

WIZARA YA MIFUGO NA UVUVI



TAARIFA KWA UMMA KUHUSU UTEUZI WA BODI YA USHAURI YA TAASISI YA UTAFITI WA UVUVI TANZANIA (TAFIRI)

Kufuatia uteuzi wa **Bw. Yahaya Ibrahim Mgawe** kuwa Mwenyekiti wa Bodi ya Ushauri ya Taasisi ya Utafiti wa Uvuvi Tanzania (TAFIRI) **Mheshimiwa Mashimba Mashauri Ndaki (Mb)**, Waziri wa Mifugo na Uvuvi kwa Mamlaka aliyonayo chini ya Kifungu Na. 8 (3), Jedwali la Pili 1(1) (b) la Sheria ya *The Tanzania Fisheries Research Institute Act* No. 11 of 2016 amewateua wafuatao kuwa Wajumbe wa Bodi ya Ushauri ya Taasisi ya Utafiti wa Uvuvi Tanzania (TAFIRI).

1. Dkt. Hamisi Lucian Nikuli;
2. Bi. Justina Tumaini Mashimba;
3. Pro. Marcellina Mvula Chijoriga;
4. Dkt. Mectridis Fratern Mdaku;
5. Dkt. Bugwesa Zablon Katale;
6. Dkt. Lucas Albani Katera;
7. Bi. Vivian Kazi Matenge, na
8. Bw. Winfred Venant Haule.

Uteuzi huu ni wa miaka mitatu kuanzia tarehe 26 Oktoba, 2021 hadi tarehe 25 Oktoba 2024. Katibu Mkuu na Menejimenti ya Wizara ya Mifugo na Uvuvi – Sekta ya Uvuvi inawapongeza Mwenyekiti na Wajumbe kwa Uteuzi huu.


Dkt. Rashid A. Tamatamah
KATIBU MKUU - UVUVI

SUA yaboresha hospitali ya wanyama

Na John Nditi, Morogoro

CHUO Kikuu cha Sokoine cha Kilimo (SUA) kimeboresha Hospitali ya Rufaa ya Taifa ya Wanyama kwa kununua vifaa vya kisasa vikiwemo vipimo vya Digital X-Ray na Ultra Sound ili kuchunguza magonjwa na mafunzo kwa wanafunzi.

Uongozi wa chuo hicho ulisema vifaa, upanuzi na

ukarabati wa majengo hayo vimegharimu zaidi ya Sh milioni 325.

Makamu Mkuu wa SUA, Profesa Raphael Chibunda aliwaeleza waandishi wa habari kuwa menejimenti imeboresha hospitali hiyo kwa ajili ya mafunzo, uchunguzi na tiba kwa wanyama wanaofugwa.

Profesa Chibunda alisema mashine ya Ultra Sound imenunuliwa kwa Sh milioni 47, mashine ya X-Ray ya digital Sh

milioni 28, upanuzi na ukarabati wa majengo ya hospitali hiyo umegharimu zaidi ya Sh milioni 250.

Pia SUA inatarajia kununua gari kubwa la kisasa ambalo ni kliniki inayotembea ili kuwafikia wafugaji ambao hawana uwezo wa kuwabeba wanyama kuwapeleka katika hospitali hiyo.

«Leo wenyewe mmeona tulikuwa pale tuna ndege aina ya tai ambaye aligongwa lakini

wasamaria wema wakamchukua na kumleta na anafanyiwa matibabu nina uhakika atapona na ataweza kuruka tena,» alisema Profesa Chibunda.

Alisema SUA pia imeboresha shamba la mafunzo katika kitengo cha uzalishaji viumbe maji hasa samaki.

Profesa Chibunda alisema maboresho hayo ni pamoja na kununuliwa kwa mtambo wa uzalishaji wa vifaranga vya samaki.